



L'an 2119 in terra rumauntscha

Driiiiiiiiiing!

Eau stun sü cun fadia, perche ch'eu sun auncha staungel. Quist pluffer svagliarin! Nu po'l üna vouta ster quiet. Eau guard süll'ura. Già las nouv! Ma nu po'l sclinger ün pô pü bod. Eau stun sü cun svung e buna glüna. Dalum tiri aint mia cravatta naira e la chamischa alva ch'eu d'he clappo da tanta Cilgia. E las chotschas, schi las chotschas quellas bellas nairas chi glüschan.....Ma eau nu sun cò per insömger. Eau stögl ir tar Constanza! Eau cuor giò da s-chela. Lo vezzi aint da porta l'avaina. Eau pigl ün pô avaina. Uossa dalli dalli. Cur ch'eu riv tar la chesa da la Lia Rumantscha es la porta già serreda. Eau stögl darcho penser a mieu schmaladiu svagliarin da l'impussibel. Eau pich vi da la porta. Constanza evra la porta e disch: "Chau Conradin, tü est darcho üna vouta memma tard!" - "S-chüsa, mieu svagliarin il ne va plü", respuonda Conradin. Uossa discorri darcho frances da Paris. Schi cun 8 ans suni ieu a Paris e zieva nouv ans darcho turno.....Ma eau nu sun cò per insömger.

"Vè! Tü vessast dad esser aint in scoula! Per furtüna d'he eau telefono a Lucrezia. Ella ho surpiglio tia lecziun da rumauntsch!", disch Constanza cun tun grit.

Ma schi, la bella lecziun da rumauntsch... Ma eau nu sun cò per insömger. "S-chüsa Constanza," dischi da que scheno. "Tü dessast üna vouta gnir a temp! Ed eau sun duonna Constanza e na be Constanza!", sbreg'la. Uiuuuuuuuuuuu, meglder scapper. Quista duonna dvainta fich aggressiva. Eau nu vuless auncha clapper ün schleppun. "Tü vest dalum a scoula! Quist es l'ultima schanza!", lagn'la. "Grazcha Constanza", respuondi surleivgio.

A scoula spetta già Lucrezia. Que es be pervi da quist schmaladiu svagliarin. Eau d'he auncha lecziun. Alura dalli dalli.

Mezdi

A la fin darcho a chesa. Buo, quists iffaunts nun inclegian rumauntsch. Ma almain se eau rumauntsch. Tuots discuorran anglais e fran.... Ma uossa svelt fer gianter ed alura ir tar la chesa da la Lia Rumauntscha. Lucrezia spetta sgür giò a me. Tar la Lia Rumauntscha. Ah guarda, Lucrezia nun es cò. "Hello, are you Conradin?", disch ün mat. "Yes", respuondi. "Comme inside, Conradin", disch il mat. Ma inua am maina uossa quist anglais. Ma ça se bien la staunza da staunza da duonna Constanza. Constanza vain e disch: "Chau Conradin, sest che ch'eau d'he per te?" "Nu se", respuondi sainza motivaziun." Quel mat lo vain tieu scolar. E tü dessast dalum ir a chesa a preparar la lecziun per damaun", disch'la cun tun grit. Eau respuond cun lungurella: "Schi, schi!" - "Che voul dir schi, schi?", dumand'la auncha pü gritta. "Anguoscha nu gnir gritta! Eau d'eira cò a temp! Meglder scapper. "Adieu", dischi e'm fatsch our da la puolvra. „Schi scappa", sbreg'la. Uiuuiuiui. Eau vaiva hoz da chefer cun duonnas agressivas u duonnas fich agressivas. Uossa d'heja pers la buna glüna. Ma uossa però dalum ir a chesa e preparar per damaun, uschigliö suni pers. Uossa gess eau gugent a manger qualchosa e zieva in let a durmir. Ün bun töch charn.....Ma eau nu sun cò per insömger. A chesa. A la fin in mia chesa e na tar quists anglais da l'impussibel. Ma eau cumainz damaun ün pô cun applet (ün fögl dal 2119). Cumanzainsa culs plets simpels.

La saira

A la fin a fin cun tuot la lavur. Que drouva però auncha temp, sch'eau fatsch svesch uschigliö cul mainoriumin (ün tschert computer chi tradüja linguas) vo que fich svelt. Uossa però manger qualchosa.

Driiiiiiiiiing....driiiiiiiiiing!

Na na, que am ho auncha mancho quist schmaladiu svagliarin. Quel nu tuocha no cò. Eau vegn in staunza. Inua es quel guaffen impulsiv. Lo! Quel dess svanir! Bun, our da fnestra cun quist. Üüüüüühhh.....pliiir. Uossa tascha'l quist martuffel. Lo vegn già ün camiun. Cracs. Quel nu vezzi mê pü. Ed uossa ir a manger tschaina.

Pü tard

Eau d'he pudieu scoler mieu scolar uschè bain. El es dafatta dvanto president da la Lia Rumauntscha. Intaunt do que darcho rumauntschs grazcha al Kevin. E natürelmaing eir grazcha a me do que da püs Rumauntschs ed in tschient ans saregia, scha nus fains inavaunt uschè darcho tuot scu avaunt tschient ans.

Lina Margaritta Salzgeber, avrigl 2019